

ხელშეკრულება №01-101
სახელმწიფო შესყიდვების შესახებ
(გამარტივებული შესყიდვა)

ქ.თბილისი

25 მაისი, 2016 წელი

შემსყიდველი: სსიპ - ცხოველთა მონიტორინგის სააგენტო, წარმოდგენილი დირექტორის მოადგილის ალექსანდრე კოდუას სახით (შემდგომში წოდებული „შემსყიდველად“)

მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

საიდენტიფიკაციო კოდი: 205316399;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22

მიმწოდებელი: შპს „პრინტარეა“, წარმოდგენილი დირექტორის თინათინ სანაძის სახით (შემდგომში წოდებული „მიმწოდებლად“);

იურიდიული მისამართი: ქ. თბილისი, ცინცაძის ქუჩა №41;

საბანკო რეკვიზიტები: სს „ბანკი ქართუ“ ბანკის კოდი: GRTUGE22, ანგარიშის №GE36CR000 000 001 235 3602;

საიდენტიფიკაციო ნომერი: 404384395.

ერთი მხრივ შემსყიდველი, ხოლო მეორე მხრივ მიმწოდებელი, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის, მე-3 მუხლის პირველი პუნქტის „ს“ ქვეპუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს, მიმწოდებლისგან შემსყიდველის 11 ავტოსატრანსპორტო საშუალებისთვის: RENAULT DOKKER (სახ.ნომრით CC-318-GG), RENAULT DOKKER (სახ.ნომრით CC-317-GG), KIA Frontier (სახ.ნომრით BQ-012-BQ), KIA Frontier (სახ.ნომრით BQ-013-BQ), KIA Frontier (სახ.ნომრით BQ-014-BQ), FORD Transit (სახ.ნომრით BQ-015-BQ), RENAULT Kangoo (სახ.ნომრით BQ-016-BQ), RENAULT Kangoo (სახ.ნომრით BQ-018-BQ), MITSUBISHI Pick UP L 200 (სახ.ნომრით BQ-021-BQ), FORD TRANSIT (სახ.ნომრით CS-271-SC), და FORD TRANSIT (სახ.ნომრით CS-277-SC), ცხრილში მოცემული 9 ცალი სტიკერის - ლოგოს და 2.72 კვ. მეტრი არაკალის - წარწერების (შემდგომში - საქონელი) შესყიდვა, თანმდევი მომსახურებით - სტიკერების დაკვრა, წინამდებარე ხელშეკრულების პირობების შესაბამისად (CPV22459100 - სარეკლამო მისაკრავი ეტიკეტები/სტიკერები და ზოლები).

1.2. საქონლის მახასიათებლები:

№	დასახელება	აღწერილობა
1	სტიკერები-არაკალი	<p>კომპლექტის შემადგენლობა: 9 ერთეული სააგენტოს ლოგო: 3 - დიამეტრით 18 სმ; 6 - დიამეტრით 30 სმ; 10 ერთეული წარწერა - „112“; 6 ერთეული წარწერა - მანქანის ეკიპაჟის ნომერი. წარწერების ფერები და ზომები შემსყიდველთან შეთანხმებით. სტიკერების მასალა: მაღალი ხარისხის; ავტოსატრანსპორტო საშუალებები: RENAULT DOKKER (სახ.ნომრით CC-318-GG), RENAULT DOKKER (სახ.ნომრით CC-317-GG).</p>
2	სტიკერი-არაკალი	<p>კომპლექტის შემადგენლობა: 27 ერთეული წარწერა - მანქანის ეკიპაჟის ნომერი. წარწერების ფერები და ზომები შემსყიდველთან შეთანხმებით. სტიკერების მასალა: მაღალი ხარისხის; ავტოსატრანსპორტო საშუალებები: KIA Frontier (სახ.ნომრით BQ-012-BQ), KIA Frontier (სახ.ნომრით BQ-013-BQ), KIA Frontier (სახ.ნომრით BQ-014-BQ), FORD Transit (სახ.ნომრით BQ-015-BQ), RENAULT Kangoo (სახ.ნომრით BQ-016-BQ), RENAULT Kangoo (სახ.ნომრით BQ-018-BQ), MITSUBISHI Pick UP L 200 (სახ.ნომრით BQ-021-BQ), FORD TRANSIT (სახ.ნომრით CS-271-SC), FORD TRANSIT (სახ.ნომრით CS-277-SC).</p>

1.3. შესყიდვა ხორციელდება ადგილობრივი თვითმართველობის ბიუჯეტიდან გამოყოფილი თანხებით.

2. მხარეთა უფლება-მოვალეობები

2.1 მიმწოდებელი ვალდებულია:

2.1.1. გადასცეს შემსყიდველს უნაკლო საქონელი/გაუწიოს თანმდევი მომსახურება, წინამდებარე ხელშეკრულების პირობების შესაბამისად, არაუგვიანეს ხელშეკრულების გაფორმებიდან 5 (ხუთი) სამუშაო დღის ვადაში.

2.1.2. იმ შემთხვევაში, თუ მიმწოდებლის მიერ გადაცემული საქონელი/გაწეული მომსახურება აღმოჩნდა უხარისხო ან/და ნაკლის, მიმწოდებელი ვალდებულია შეუცვალოს შემსყიდველს უხარისხო საქონელი სხვა ხარისხიანი საქონლით/თავიდან გაუწიოს მომსახურება, ან აუნაზღაუროს შემსყიდველს უხარისხობით მიყენებული ზიანი ან/და ზარალი.

- 2.1.3. მხარეთა შორის მიღება-ჩაბარების აქტის გაფორმებისთანავე, წარუდგინოს შემსყიდველს შესაბამისი საგადასახადო დოკუმენტაცია, წინამდებარე ხელშეკრულების 5.2 პუნქტის შესაბამისად.
- 2.1.4. დაიცვას ხელშეკრულებით გათვალისწინებული ყველა პირობა.
- 2.2 მიმწოდებელი უფლებამოსილია** მოსთხოვოს შემსყიდველს შესყიდვის ობიექტის ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად.
- 2.3 შემსყიდველი ვალდებულია:**
- 2.3.1. მოახდინოს ანგარიშსწორება მიმწოდებელთან წინამდებარე ხელშეკრულების შესაბამისად;
- 2.3.2. უზრუნველყოს საქონლის/მომსახურების მიღება.
- 2.4 შემსყიდველი უფლებამოსილია** მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

3. ხელშეკრულების ღირებულება

- 3.1. წინამდებარე ხელშეკრულების ღირებულება შეადგენს **237.00 (ორას ოცდაჩვიდმეტი) ლარს**.
- 3.2. ერთეულის ღირებულებაა: 1 ცალი სტიკერი (ლოგო) 5.222 ლარი, 1 კვ. მეტრი არაკალი (წარწერები) - 69.852 ლარი.
- 3.3. წინამდებარე ხელშეკრულებით გათვალისწინებული ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს.

4. ანგარიშსწორების წესი

- 4.1 მხარეთა შორის ანგარიშსწორება მოხდება ეროვნულ ვალუტაში, უნაღდო ანგარიშსწორების წესით.
- 4.2. შემსყიდველი ვალდებულია მხარეთა შორის მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან 15 (თხუთმეტი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული ღირებულების ანაზღაურება.
- 4.3. საქონლის გადაცემის/მომსახურების გაწევის თარიღად ითვლება მხარეთა მიერ მიღება-ჩაბარების აქტზე ხელმოწერის თარიღი.

5. საქონლის შესყიდვის ადგილი, ვადები და მიღება-ჩაბარების წესი

- 5.1. საქონლის მიწოდების/მომსახურების გაწევის ადგილია: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;
- 5.2. საქონლის/მომსახურების შესყიდვის პარალელურად, მიმწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანმხლები დოკუმენტაციის წარდგენა შემსყიდველისათვის (სასაქონლო ზედნადები და სხვა).
- 5.3. საქონელი/მომსახურება ჩაითვლება მიღებულად, აღნიშნულის თაობაზე გაფორმებული მიღება-ჩაბარების აქტის ხელმოწერის დღიდან. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება სააგენტოს ცხოველთა კონტროლისა და რეგულირების დეპარტამენტის ოპერატიული რეაგირების და მონიტორინგის განყოფილების უფროსს, პლატონ კახნიაშვილს.

6. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2016 წლის 15 ივლისის ჩათვლით.

7. ხელშეკრულების ინსპექტირება

- 7.1 შემსყიდველი უფლებამოსილია ნებისმიერ დროს განახორციელოს საქონლის/გაწეული მომსახურების შემოწმება.
- 7.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 7.3. წინამდებარე ხელშეკრულების 7.1 პუნქტით გათვალისწინებული კონტროლისა და ზედამხედველობის განხორციელება ევალება სააგენტოს ადმინისტრაციული დეპარტამენტის უფროსს, ირაკლი ჭანტურიას.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შესრულების შეუძლებლობის წერილობითი შეტყობინების შემდეგ, თუ:

- 8.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

8.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

8.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

8.2.4. საქართველოს კანონმდებლობით გათვალისწინებულ სხვა შემთხვევებში.

8.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ წინამდებარე ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ წინამდებარე ხელშეკრულებით ნაკისრი ვალდებულების შეუსრულებლობით.

9.4. მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო ხელშეკრულების საერთო ღირებულების 10%-ის ოდენობით.

9.5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ წინამდებარე ხელშეკრულებას ან დადებდნენ სხვა შინაარსით, ეს ცვლილებები რომ გათვალისწინებინათ.

11.2. წინამდებარე ხელშეკრულების 11.1. პუნქტით გათვალისწინებულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, ის გარემოება, როდესაც წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა წინამდებარე ხელშეკრულების 11.1, 11.2. და 11.3. პუნქტებით გათვალისწინებული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წინასწარ, ცვლილებების განხორციელების სასურველ თარიღამდე სამი სამუშაო დღით ადრე, წერილობით შეატყობინოს მეორე მხარეს. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

12.3 წინამდებარე ხელშეკრულების პირობების ნებისმიერი ცვლილება და დამატება უნდა გაფორმდეს დამატებითი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას (არ იგულისხმება "ფორს-მაჟორი"), რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. წინამდებარე ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა. ორი ეგზემპლარი გადაეცემა შემსყიდველს, ხოლო ერთი ინახება მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი:

მიმწოდებელი:

სსიპ - ცხოველთა მონიტორინგის სააგენტო

შპს „პრინტარეა“

დირექტორის მოადგილე:

დირექტორი



თინათინ სანაძე /



თინათინ სანაძე /